

Uunga siunnersuut:

Tuttut nujuartat piniagaanerat illersugaanerallu pillugit Namminersorlutik Oqartussat nalunaarutaat

Piniarneq aallaaniarnerlu pillugit Inatsisartut inatsisaanni nr. 34-mi, 13. juuni 2023-imeersumi, § 2, imm. 3, § 4, imm. 2, § 13, imm. 6 aamma imm. 8, § 15, imm. 1 aamma imm. 2, § 16, imm. 4, § 19, § 20, imm. 1, § 22, imm. 8, § 23, imm. 4, § 25, imm. 5 aamma imm. 7, § 26, imm. 1-4, § 28, § 29, imm. 1, aamma Pinngortitamik illersuineq pillugu Inatsisartut inatsisaanni nr. 29-mi, 18. december 2003-meersumi, § 5, imm. 1, nr. 1-5 aamma § 60, imm. 2, kiisalu qimmeqarneq qitsuuteqarnerlu pillugit Inatsisartut inatsisaanni nr. 18-imi, 30. oktober 1998-imeersumi § 3, imm. 2, Inatsisartut inatsisaatigut nr. 23-kkut, 22. november 2011-imeersukkut allanngortinneqartumi, naapertorlugit aalajangersarneqarpoq:

Kapitali 1

Atuuffik aamma nassuiaatit

Atuuffik

§ 1. Nalunaarut manna Kalaallit Nunaanni tuttut nujuartat (*Rangifer tarandus*) piniarneqarnissaannut illersorneqarnissaannullu atuuppoq.

Nassuiaatit

§ 2. Nalunaarummi matumani uku imatut paasineqassapput:

- 1) "Tuttut nujuartat": tuttut aqutsiveqarfinni assigiinngitsuni aallaqqaataanit pisut, tuttut Peary-t kiisalu tuttut nunaminertaniit tuttunut nujuitsunut atorneqartuniit aninikut, nalunaaqutserneqarnikuunngitsut ukiumillu ataatsimik sinnilimmik utoqqaassusillit. Tuttut nujuartat nalunaarummi matumani tuttunik taaneqarput.
- 2) "Aqutsiveqarfiit": Kalaallit Nunaata nunap immikkoortuinut kommuneqarfinnullu aggorneqarnera pillugu Inatsisartut inatsisaat nr. 11, 30. oktober 1988-imeersumi § 2 malillugu kommunit killeqarfii.
- 3) "Assartuutit motorillit": assartuutit motorillit sulluunniit nunakkut tuttunik piniarnermut atatillugu atorneqartartut imaluunniit piniarfimmut piniarfimmiillu assartuutitut atorneqartartut.
- 4) "Akiliuteqarluni piniarneq": tuttunniarneq akiliuteqartitsinikkut akiliuteqarluni aallaaniarnermik aqqissuussisartumit akuerisaasumit aqqissorneqartoq.

Kapitali 2

Eqqissisimatitsineq

§ 3. Tuttut Kalaallit Nunaata tamani eqqissisimatitaapput, taamaattorli § 4-mi aamma § 8-mi pineqartut pineqanngillat.

Kapitali 3

Pisassiissutinik, piffissaliussanik aamma piniarfissanik aalajangersaaneq

Pisassiissutinik aalajangersaaneq agguaassisarnerlu

§ 4. Umassusilinnik misissuisunik siunnersuuteqareernerup kingorna aamma piniartut atuisullu ilisimasaat tunngavigalugit Naalackersuisoq piniarnermut akisussaasuusoq tuttoqatigiinnut ataasiakkaanut tuttunik piniarnissamut pisassiissutinik aalajangersaassaaq.

Imm. 2. Imm. 1-imi pisassiissutit umassusilerinermik tunngaveqartumik, piniarnikkut eqqarsaatigisassat pillugit aamma tuttoqatigiit eqqarsaatigalugit tuttunut utoqqaassutsimikkut aamma suaassutsimikkut aalajangersarneqarsinnaapput kiisalu piniariaatsinut aalajangersimasunut kultureqarnermut tunngasutigut inniminnigaasinnaallutik, soorlu assersuutigalugu qimussimik tuttunniarnermut, aalajangersarneqarsinnaapput.

Imm. 3. Tuttoqatigiinnut umassusilinnik misissuisunik siunnersuuteqartoqanngippat mianersornissaq malillugu pisassiissutinik aalajangersaasoqassaaq.

Imm. 4. Naalackersuisoq piniarnermut akisussaasuusoq pisassiissutinik imm. 1 malillugu aalajangersarneqartunik aqutsiveqarfinnut agguaassissaaq.

Imm. 5. Piniarnek pillugu Siunnersuisoqatigiinni ilaasortat aamma kattuffiit suliamut attuumassuteqartut apeqqtuni imm. 1-4 tunngassuteqartuni tusarniarneqassapput.

Imm. 6. Tuttunik nunap immikkoortuata ataatsip killeqarfiata iluani pisassiissutit atunngitsuukkat pisassiissutinut tamarmiusunut nunap immikkoortuani pineqartumi ukiup pisassiiffiusup tullianut nuunneqarsinnaapput. Aqutsiveqarfikkaartumik aamma nuussisoqarsinnaavoq. Pisassiissutinik tamakkerneqanngitsoortunik nuusseriaaseq tassaavoq ukiumiit ukiumut amerleriartuutaanngitsumik nuussineq.

Kommunimi oqartussat pisassiissutinik agguaanerat

§ 5. Kommunimi oqartussat § 4, imm. 4, malillugu pisassiissutit aalajangersarneqartut aqutsiveqarfinni ataasiakkaani illoqarfinnut aamma nunaqarfinnut agguarsinnaavaat, taamaattoq imm. 2 takuuk.

Imm. 2. Pisassiissutinik imm. 1 malillugu agguaassineq sioqqullugu aqutsiveqarfinni pineqartuni kattuffiit suliamut attuumassusillit tusarniarneri kommunimi oqartussat ingerlattassavaat.

Imm. 3. Kommunimi oqartussat imm. 1 malillugu pisassiissutinik agguaassinermi angusat

inernerer pillugit Aalisarnermut Piniarnermullu Naalakkersuisoqarfimmut pisassiissutinik agguassinerup kingorna kingusinnerpaamik sapaatip akunneramik ataatsimik qaangiunnerani allakkatigut nalunaaruteqassapput.

Piffissaliussanik piniarfiusussanik aalajangersaaneq

§ 6. Umassusilinnik misissuisunik siunnersuuteqareernerup kingorna aamma piniartut atuisullu ilisimasaat tunngavigalugit Naalakkersuisoq piniarnermut akisussaasuusoq killilersukkamik tuttunniarnissamut aamma akiliuteqarluni tuttunniarnissamut piffissaliussanik aalajangersaassaaq.

Imm. 2. Imm. 1-imi tuttunniarnissamut piffissaliussat 1. aggusti-miit 30. aprili-mut piffissap iluani taamaallaat aalajangersaaffigineqarsinnaapput.

Imm. 3. Piniarneq pillugu Siunnersuisoqatigiinni ilaasortat aamma kattuffiit susassaqtartut apeqqutini imm. 1-imi tunngassuteqartuni tusarniarneqassapput.

Kommunimi oqartussat piniarnissamut piffissaliussanik aalajangersaanerat

§ 7. Kommunimi oqartussat § 6, imm. 1, malillugu tuttunniarnissamut piffissaliussat aalajangersarneqartunut sinaakkutit iluanni tuttoqatigiit ataasiakkaanut aqutsiveqarfiit ataasiakkaat iluani tuttunniarnissamut piffissaliussanik aalajangersaasinnaapput, taamaattoq imm. 2 takuuk.

Imm. 2. Kommunimi oqartussat imm. 1 malillugu tuttoqatigiinnut ataasiakkaanut tuttunniarnissamut piffissaliussanik aalajangersaasoqannginnerani aqutsiveqarfimmi pineqartumi kattuffiit susassaqtartut tusarniartassavaat.

Imm. 3. Kommunimi oqartussat tuttunniarnissamut piffissaliussat imm. 1 malillugu aalajangersarneqartut pillugit Aalisarnermut Piniarnermullu Naalakkersuisoqarfimmut aalajangersaanerup kingorna kingusinnerpaamik sapaatip akunneramik ataatsimik qaangiunnerani allakkatigut nalunaaruteqassapput.

Piniarfissanik aalajangersaaneq

§ 8. Umassusilinnik misissuisunik siunnersuuteqareernerup kingorna aamma piniartut atuisullu ilisimasaat tunngavigalugit Naalakkersuisoq piniarnermut akisussaasuusoq killilersukkamik tuttunniarnissamut piniarfissanik aalajangersaassaaq.

Imm. 2. Piniarneq pillugu Siunnersuisoqatigiinni ilaasortat aamma Kattuffiit susassaqtartut apeqqutini imm. 1-imi tunngassuteqartuni tusarniarneqassapput.

Kommunimi oqartussat piniarfissanik aalajangersaanerat

§ 9. Kommunimi oqartussat piniarfiit § 8, imm. 1, malillugu aalajangersarneqartut killilersinnaavaat, taamaattoq imm. 2 takuuk.

Imm. 2. Kommunimi oqartussat imm. 1 malillugu piniarfissanik aalajangersaasoqannginnerani aqutsiveqarfimmi pineqartumi kattuffiit susassaartut tusarniartassavaat.

Imm. 3. Kommunimi oqartussat piniarfissat imm. 1 malillugu aalajangersarneqartut pillugit Aalisarnermut Piniarnermullu Naalakkersuisoqarfimmut aalajangersaanerup kingorna kingusinnerpaamik sapaatip akunneramik ataatsimik qaangiunnerani allakkatigut nalunaaruteqassapput.

Kapitali 4

Killilikkamik piniarnissamut, tunisinissamut tuniniaanissamullu piumasaqaatit

Killilikkamik tuttunniarnissamut piumasaqaatit

§ 10. Inuit § 13 malillugu akuersissummik aamma piniarnermut atuuttumik allagartaqartut imm. 2 malillugu piffissaliussap iluani akilikkamik kisimik tuttunniqqusaapput.

Imm. 2. Piniarnermut allagartaq ukiumi pineqartumi matumani 1. maaji sioqqullugu akilerneqareersimassaaq, taamaattoq § 35.

Perngarneq

§ 11. Meeqqat aqqaneq-marlunnik ukioqalereersimangitsut tuttunniarnermi peqataaqqusaanngillat.

Imm. 2. Meeqqat aqqaneq-marlunnik ukioqalereersimasut sulili 15-inik ukioqalersimangitsut tuttunniarnermi piumasaqaatit tulliiniittut malillugit peqataaqqusaapput:

1) Meeraq aallaammik tigummiaqarsimappat aamma meeqqap igeriarnerani, meeqqap angajoqqaavinit nakkutiginnittumilluunniit allaganngorlugu akuersissummik peqarnikkut, meeqqap angajoqqaavisa, nakkutiginnittuata imaluunniit inuup 18-inik ukioqalereersimasup meeraq 1 meterisut qanitsigalugu ilitsersussavaa.

2) Inuk meeqqamik ilitsersuisusoq nr. 1 malillugu tuttunniarnissamut atuuttumik akuersissuteqassaaq.

Imm. 3. Tuttut meeqqamit imm. 2-mut ilaasumit pisarineqartut inummit tuttunniarnerup nalaani meeqqamut ilitsersuisumit pisatut nalunaarsorneqassapput, tamanna § 30 aamma § 31 naapertorlugu.

Imm. 4. Nalunaarummi matumani malittarisassat aammattaq inunnut imm. 2-mut ilaasunut atuupput.

Tunitsivimmut tunisineq nalinginnaasumillu tunisineq

§ 12. Inuussutissarsiutigalugu tuttunniarsinnaanermut akuersissummi piunasaqaatigineqarsinnaavoq tuttumik ilivitsumik ilaanilluunniit neqaarniarfimmu imaluunniit tunitsivimmut tunisinermi neqaarniarfimmu imaluunniit tunitsivimmut uumasut nakorsaqarfianiit akuerineqarsimasumut tunisisoqassasoq imaluunniit inuussutissarsiutigalugu piniartoq tunisinissamut akuersissummik attuuttumik peqassasoq.

Imm. 2. "Kalaalimineerniarfinni" tunisinissaq aamma tuniniaanissaq pillugu kommunit ataasiakkaat namminneq sunngiffimmi piniarnermut allagartamik pigisalinnut aalajangersaassapput.

Imm. 3. "Kalaalimineerniarfinni" tutturnik tunisineq aamma tuniniaaneq inuussutissalerinermut tunngasuni nalunaarummi piffissami pineqartumi atuuttumi piunasaqaatit malillugit ingerlanneqassaaq taamaallaallu piffissaliussani piniarfiusuni aamma piffissaliussap piniarfiusup qaangiunneranit ullorsiutit malillugit sivisunerpaamik ulluni pingasuni akuerisaavoq.

Kapitali 5

Killilikkamik tuttunniarnissamut akuersissutinik agguaassineq tunniussinerlu kiisalu makitsineq

Killilikkamik tuttunniarnissamut akuersissutinik agguaassineq tunniussinerlu

§ 13. Kommunit pineqartut, §§ 4, 6 aamma 8 malillugit pisassiissutit, piniarfiit aamma piniarnissamut piffissaliussat aalajangersarneqartut iluanni, qinnuteqartunut atuuttumik piniarsinnaanermut allagartalinnut aamma aqutsiveqarfimmi inuit allattorsimaffianni najugalittut nalunaarsorsimasunut akuersissutinik agguaassissapput tunniussillutillu.

Imm. 2. Akuersissut, imm. 1 takuuk, qinnuteqartunut ukiup siuliani § 30, imm. 1, malillugu pisanik nalunaaruteqarsimasunut tunniunneqarsinnaavoq aamma qinnuteqartunut nutaanut imm. 1-mi aamma imm. 4-mi piunasaqaatinik naammassinnittunut tunniunneqarsinnaalluni. Qinnuteqartut taaneqartut tamarmik § 10, imm. 2-mi, piunasaqaammik aamma naammassinnittussaapput.

Imm. 3. Naak imm. 1-imi aalajangersagaqaraluartoq, Aalisarnermut Piniarnermullu Naalakkersuisoqarfiup inunnut aqutsiveqarfimmi allani najugaqartunut aqutsiveqarfimmi piniarsinnaanissaat akuersissutigisinnaavaa, tamannalu aqutsiveqarfimmi pineqartumi killilerneqanngitsumik tuttunniarnissamut pisassiisoqartillugu aatsaat pisinnaavoq.

Imm. 4. Imm. 1 malillugu akuersissutinik qinnuteqartut piffissami qinnuteqarfiusumi 15-inik ukioqalereersimassapput.

§ 14. Akuersissutinik tunniussineq ima pissaaq, qinnuteqartut ataasiakkaat sapinngisamik

tamarmik inuussutissarsiutigalugu piniartuusut taamatullu sunngiffimmi piniartuusut piomasaaqatinik naammassinnittut aqutsiveqarfiup iluani akuersissutinik assigiimmik amerlassusilerlugit tunineqarnerisigut.

Imm. 2. Akuersissut inummut atiatigut taasamut taamaallaat atuuppoq allanullu tunniunneqaraniluunniit tunineqaqqusaanani.

Imm. 3. Akuersissummi sumi, qaqugukkut qassinillu tuttunniartoqaqqusaanersoq allassimavoq.

Makitsineq

§ 15. Qinnuteqartut akuersissutinit amerlaneruppata agguaassineq makitsinikkut pissaaq. Akuersissutit sinneruttut aamma makitsinikkut agguaanneqassapput.

Imm. 2. Aqutsiveqarfinni isorartuuni piniartunut ataasiakkaanut tuttunniarneq imminut akilersinnaasunngortinniarlugu akuersissutinik arlalinnik tunniussisoqarsinnaavoq.

Imm. 3. Imm. 1 malillugu makitsinermut atatillugu akuersissutinik tunniussisussaatitaasoq utaqqisut allattorsimaffiannik pilersitsissaaq, taannalu § 16, imm. 2, malillugu akuersissutit agguaanneqaqqinneranni atorneqassaaq.

Imm. 4. Makitsineq tamanut ammasumik ingerlanneqassaaq. Akuersissutinik tunniussisussaatitaasup makitsinissaq kingusinnerpaamik sapaatip akunneramik sioqutsilluni, makitsinermut piffissaq sumiinnissaalu tamanut nalunaarutigissavaa.

§ 16. Makitsinermut atatillugu akuersissutinik tunniussisussaatitaasoq akuersissutit tunniunneqartut qaqugu aaneqareersimanissaannik aalajangiissaaq. Inuit akuersissummik tunineqarsimasut akuersissummilli atuisinnangitsut imaluunniit atuianniingitsut piaarnerpaamik akuersissut atorneqanngitsoq akuersissutinik tunniussisussaatitaasumut utertissavaat.

Imm. 2. Akuersissutit aaneqanngitsut utertinneqarsimasullu agguaateqqinneqassapput. Agguaasseqqinneq akuersissutinik utaqqisut allattorsimaffiat naapertorlugu pissaaq akuersissutinillu utertitsisoqareernerup kingorna piaarnerpaamik pisinnaalluni.

Kapitali 6

Piniariaatsit aamma piniarnermi ileqqorissarneq

Isuussutissarsiutigalugu aamma sunngiffimmi qoorortuumik piniarneq

§ 17. Inuussutissarsiutigalugu aamma sunngiffimmi tuttunniarnermi qoorortoq atoqqusaavoq, imm. 2-4 takukkit.

Imm. 2. Qoorortuumik inuussutissarsiutigalugu aamma sunngiffimmi tuttunniarnermi sulloqqortussutsit akuerisaasut minnerpaaffiat .222-iuvoq. Qoorortuup imassaa qanoq ittuussanersoq nammineq toqqarneqarsinnaavoq.

Imm. 3. Qoorortuut eqinnartakkat eqittaannartakkallu tuttunniarnermi atornissaat inertequtaavoq.

Imm. 4. Qoorortoq sunaluunniit imm. 2 malillugu tuttunniarnermut atorneqaqqusaasoq nakersarnejarsimassaaq paarilluagaallunilu.

Inuussutissarsiutigalugu aamma sunngiffimmi pisissimik tuttunniarneq

§ 18. Inuussutissarsiutigalugu aamma sunngiffimmi tuttunniarnermi pisisseq inunnit Kalaallit Nunaanni imaluunniit Danmarkimi pisissimik piniarnermut misilitsinnermi takussutissartalimmik angusaqarsimasunit imaluunniit nunani allani misilitsinnermi assingusumi angusaqarsimasunit atoqqusaavoq.

Imm. 2. Pisisseq atorlugu tuttunniarnermi piunasaqaatit tullinnguuttut naammassineqareersimassapput:

- 1) Pisisseq Compound-iussaaq (katitigaq / nutaaliaasoq) aaqqinneqarsinnaasumik umerfilik / nalunaaqutalik. Qarsut naqqui aalajangersimasut atorneqartillugit nusutsisinnaassusaa minnerpaamik 45 pund-iussaaq (21 kg.), qarsullu naqqui mekanisk-iusut atorneqartillugit nusutsisinnaassusaa minnerpaamik 55 pund-iussalluni (25 kg.).
- 2) Qarsut aalajangersimasumik naqqullit minnerpaamik 385 grains-inik (25 gr.-inik) oqimaassuseqassapput, qarsullu mekanisk-iusumik naqqullit minnerpaamik 425 grains-inik (28 gr.-inik) oqimaassuseqassallutik.
- 3) Qarsut aalajangersumasumik imaluunniit mekanisk-iusumik naqqoqassapput.

Piniarnermi ileqqorissaarneq

§ 19. Piniarnermi tuttip pisarineqartup neqaa tamaat nassarnejassaaq.

Imm. 2. Piniarnermit pisap nerineqarsinnaanngitsortai sapinngisamik pisaqarfiup qimalernerani nassarnejassapput imaluunniit tupeqarfiit, illuaraqarfiit imaluunniit piniarnermik ingerlatat allat ingerlanneqarnissaat akornusernagit inissinneqassallutik.

Kapitali 7

Akiliuteqarluni aallaaniarnermut immikkut piunasaqaatit pisanillu nalunaaruteqartarneq

Akiliuteqarluni aallaaniarnermut immikkut piunasaqaatit

§ 20. Naalackersuisoq piniarnermut akisussaasuusoq inuussutissarsiutigalugu aamma sunngiffimmi piniarnerup kiisalu akiliuteqarluni aallaaniarnerup akornanni pisassiissutinik agguataarinnermik aalajangersaassaaq.

Imm. 2. Akiliuteqarluni aallaaniarnermut pisassiissutit tuttunniarnissamut pisassiissutinit tamarmiusumit ilanngaatineqassapput, § 4, imm. 1, takuuk.

Imm. 3. Naalackersuisoq piniarnermut akisussaasuusoq § 6, imm. 2, naapertorlugu tuttunik akiliuteqarluni piniarnissamut piffissaliussanik ataatsimik imaluunnit arlalinnik aalajangersaasinnaavoq.

Imm. 4. Kulavannik norramillu akiliuteqarluni aallaaniarneq piffissami 1. januaarimiit 31. juuli ilanngullugu inerteqqutaavoq.

Akiliuteqarluni qoorortuumik aallaaniarneq

§ 21. Akiliuteqarluni tuttunik aallaaniarnermi qoorortoq atoqqusaavoq, imm. 2-4 takukkit.

Imm. 2. Qoorortuumik akiliuteqarluni tuttunniarnermi sulloqqortussutsit akuerisaasut minnerpaaffiat .243-iuvoq. Qoorortuup imassaa qanoq ittuussanersoq nammineq toqqarneqarsinnaavoq.

Imm. 3. Qoorortuut eqinnartakkat eqittaannartakkallu akiliuteqarluni tuttunniarnermi atornissaat inerteqqutaavoq.

Imm. 4. Qoorortoq sunaluunniit imm. 2 malillugu akiliuteqarluni tuttunniarnermut atorneqaqqusaasoq nakerneqarsimassaaq paarilluagaallunilu.

Akiliuteqarluni pisissimik aallaaniarneq

§ 22. Akiliuteqarluni tuttunik aallaaniarnermi pisisseq inunnit Kalaallit Nunaanni imaluunniit Danmarkimi pisissimik piniarnermut misilitsinnermi takussutissartalimmik angusaqarsimasunit imaluunniit nunani allani misilitsinnermi assingusumi angusaqarsimasunit atoqqusaavoq.

Imm. 2. Pisisseq atorlugu akiliuteqarluni tuttunniarnermi piumasaqaatit tullinnguuttut naammassineqareersimassapput:

1) Pisisseq Compound-iussaaq (katitigaq / nutaaliaasoq) aaqqinneqarsinnaasumik umerfilik / nalunaaqutalik. Qarsut naqqi aalajangersimasut atorneqartillugit nusutsisinnaassusaa minnerpaamik 45 pund-iussaaq (21 kg.), qarsullu naqqi mekanisk-iusut atorneqartillugit nusutsisinnaassusaa minnerpaamik 55 pund-iussalluni (25 kg.).

2) Qarsut aalajangersimasumik naqqullit minnerpaamik 385 grains-inik (25 gr.-inik) oqimaassuseqassapput, qarsullu mekanisk-iusumik naqqullit minnerpaamik 425 grains-inik (28 gr.-inik) oqimaassuseqassallutik.

3) Qarsut aalajangersimasumik imaluunniit mekanisk-iusumik naqqoqassapput.

Akiliuteqarluni aallaaniarnermi pisanik nalunaaruteqartarneq

§ 23. Akiliuteqarluni tuttunniarnermi pisat § 30-mi aalajangersagaqaraluartorluunniit PINIARNEQ imaluunniit www.sullissivik.gl aqutigalugu nalunaarutigineqassapput. Akiliuteqarluni piniartitsinermik aaqqissuisut akuersissutini pisanik immersuiffissat atorlugit Aalisarnermut Piniarnermullu Naalackersuisoqarfimmut nalunaaruteqassapput. Tamatuma kingorna paasissutissat katersukkat

PINIARNEQ imaluunniit www.sullissivik.gl aqputigalugu nassiunneqassapput.

Kapitali 8

Tuttunniarnermi assartuutinik atuineq

Assartuutillit motorillit

§ 24. Assartuutit motorillit tuttunik malersuineri ungoorinermiluunniit atorineqaqusaanngillat.

Imm. 2. Assartuutit motorillit taamaallaat kommunit nunaannarmi angalasarnermut ileqqoreqqusat atuuttut naapertorlugit atorineqaqusaapput kiisalu piniarfimmut piniarfimmiillu assartuineri taamaallaat atorineqaqusaallutik. Assartuutinik motorilinnik nunaannarmi ingerlaarnermi tuttut uumasut minnerpaamik 500 meter-inik ungasissuseqarluni qanillineqaqusaapput.

Qimussit

§ 25. Tuttunniarnermi qimmit nassaqqusaanngillat, taamaattorli imm. 2-mi pineqartut pineqanngillat.

Imm. 2. Qimminik qimuttoqarfiusuni allorniusami kangimukartup 44°W-mi avannamukartullu 66°N-mi qimussit assartuutit atorineqaqusaapput.

Imm. 3. Piniarfimmi qimminik qimuttunik qimatsisoqaaqusaanngilaq. Qimmit pituussarlutik qimaasut tigoqqinnerlu sapernartut sapinngisamik aallaaneqassapput. Qimmit toqungasut timaat piniarfimmi qimanneqaaqusaanngillat. Kingusinnerpaamik piniariarnerup naammassinerata kingornatigut qimmit qimaasut pillugit piniarnermik aalisarnermillu nakkutilliisoq qaninnerpaaq nalunaarfigineqassaaq.

Kapitali 9

Tuttumik pissatamik toqutsineq

§ 26. Piniartup pisussaaffigaa tuttup eqqorneqarnermi kinguninnguagut toqusimanagera nalornisiginagu qulakkiissallugu.

Imm. 2. Tuttunniarnerup nalaani tuttumik pissaasup pisussaaffigaa sapinngisamik piaarnerpaamik taassuminnga toqutsinissani.

Imm. 3. Tuttu pissanneqartoq nanineqarnanilu toqunneqanngippat, piniartoq piniarnerup naammassineqarnerata kinguninnguagut Aalisarnermut Piniarnermullu Naalackersuisoqarfimmut imaluunniit piniarnermut nakkutilliisumut pissutsit piviusut pillugit ilisimatitsissaaq.

§ 27. Inuk tuttumik pissanneqarsimasumik sulilu uumasumik takunnittup, ajornanngippat tuttu toqussavaa. Piffissap piniarfiusup avataani toqutsineq pisimappat tuttu toqutaq nikisinnagu qimanneqassaaq. Tuttumik toqutsineri akisussaasup pisussaaffigaa toqutsinerup qanoq pisimamera Aalisarnermut Piniarnermullu Naalakkersuisoqarfimmut imaluunniit piniarnermut nakkutilliisumut nalunaarutigissallugu.

Imm. 2. Tuttu toqungasoq siumorneqartoq nikisinnagu qimanneqassaaq.

Kapitali 10

Umatillugit tiguserit nuussinerillu

§ 28. Naalakkersuisoq piniarnermut akisussaasuusoq sioqqutsisumik allakkatigut akuersitinneqarsimatinnagu tuttu nuunneqarnissaat, tiguneqarnissaat aammalu ungalusat iluiniitinneqarnissaat inerteqqutaavoq.

Kapitali 11

Kommunit ileqqoreqqusat

§ 29. Kommunit ileqqoreqqusakkut kommunalbestyrelsi nalunaarut manna naapertorlugu amerlanerusunik piumasqaateqarsinnaavoq, nalunaarummi § 4-mi, § 6-mi, § 8-mi, § 17-mi, § 18-mi, § 24-mi aamma § 25-mi aalajangersakkanit sakkortunerusunik.

Imm. 2. Kommunimi ileqqoreqqusat imm. 1 naapertorlugu suliarineqartut Naalakkersuisumit piniarnermut akisussaasuusumit atuutilersinneqassapput.

Kapitali 12

Digitaalikkut imaluunniit pisanik immersuiffissaq aqputigalugu nalunaaruteqartarnek

§ 30. Tutunik pisat aamma pissatat tamarmik akuersissummik pigisaqartumit ima nalunaarutigineqassapput:

- 1) pisanik digitaalikkut piffissami pineqartumi atuuttoq aqputigalugu, imaluunniit
- 2) piniarnermut piffissaliussap naammassineqarnerata kingornatigut kingusinnerpaamik sapaatip akunnerisa marluk qaangiunneranni pisanik nalunaaruteqarnissamut immersuiffissamik kommunimut utertitsinikkut.

Imm. 2. Imm. 1 nr. 2 malillugu nalunaarutigineqartut ataatsimoortillugit piniarnermut piffissaliussap naammassineqarnerata kingornatigut kingusinnerpaamik sapaatip akunnerisa sisamat qaangiunneranni kommunimit Aalisarnermut Piniarnermullu Naalakkersuisoqarfimmut

nassiunneqassapput.

Imm. 3. Akuersissutip tunuaniittoq pisanik nalunaaruteqarnissamut immersuiffissaq imaluunniit pisanik digitaalikkut piffissami pineqartumi atuuttoq sapinngisamik kingusinnerpaamik tuttu angallammut pisap assartorneqarnissaanut atugassamut ikinerani immersorneqareersimassaaq.

Kapitali 13

Sullissivik.gl imaluunniit PINIARNEQ aqutigalugu nalunaaruteqartarneq

§ 31. Tuttunik pisat pissatallu tamarmik naak § 30-mi aalajangersagaqaraluartoq PINIARNEQ-mi ukiumoortumik immersuiffissaq atorlugu imaluunniit www.sullissivik.gl aqutigalugu Aalisarnermut Piniarnermullu Naalackersuisoqarfimmut nalunaarutigineqassapput.

Imm. 2. Imm. 1 malillugu nalunaaruteqartarneq kingusinnerpaamik 15. oktobarimi pissaaq.

Kapitali 14

Nakkutillineq

§ 32. Kinaluunniit politiinit imaluunniit piniarnermik nakkutilliisunit tuttunniarsinnaatitaanini uppersaqqullugu qinnuigineqartup akuersissut atuuttoq kiisalu piniarsinnaanermut allagartaq atuuttoq takutissavai.

Kapitali 15

Immikkut akuersissuteqartarneq

§ 33. Aalisarnermut Piniarnermullu Naalackersuisoqarfik nalunaarummi matumani aalajangersakkanit ilisimatusarnikkut aamma ilinniartitsinermit atatillugu immikkut akuersissummik tunniussisinnaavoq, tassunga ilanngullugu ilisimatusarnermik siunertalinnut tuttunniarsinnaanermut allakkatigut akuersissummik tunniussisinnaalluni.

Imm. 2. Imm. 1 malillugu immikkut akuersissuteqartarnermi piumasarineqarpoq ilisimatusarnermik aamma ilinniartitsinermit atatillugu siunertat uumasunik illersuineq pillugu kiisalu uumasut peqqinnerat pillugu maleruagassat piffissami pineqartumi atuuttut malillugit ingerlanneqassasut.

Imm. 3. Imm. 1 malillugu immikkut akuersissuteqarnerit Naalackersuisut quppersagaanni tamanut saqqummiunneqassapput.

§ 34. Tuttut navianartorsiortitsisut imaluunniit angallannermit atatillugu annertuumik akornusersuisut qimaatinneqarsinnaasimangippata toqunneqarsinnaapput. Sakkunut aamma

imassanut piumasqaatit malinneqassapput, § 17 takuuk.

Imm. 2. Tuttut imm. 1 naapertorlugu toqutat Kalaallit Nunaanni Namminersorlutik Oqartussanut pigisussanngortinneqassapput.

Imm. 3. Tuttumik toqutsinermi akisussaasup pisussaaffigaa toqutsinerup qanoq ingerlasimanera Aalisarnermut Piniarnermullu Naalakkersuisoqarfimmut nalunaarutigissallugu.

Imm. 4. Tuttup toqunneqartup qanoq pineqarnissaa Naalakkersuisoqarfiup aalajangissavaa.

§ 35. Naak § 10-mi imm. 2-mi aalajangersagaqaraluartoq aqutsinermi pissutsit aallaavigalugit piniarnermut allagartap 1. maaji sioqqullugu akilerneqarsimanissaa pillugu piumasqaatip tamanut atuuttumik atuutinneqannginnissaa Naalakkersuisup piniarnermut akisussaasup immikkut ittumik akuersissutigisinnaavaa.

Kapitali 16

Kinguneqartitsinissamut aalajangersakkat

§ 36. Nalunaarummi matumani aalajangersakkanik § 3-mik, § 10, imm. 1-mik, § 17-mik, § 18-mik, § 19-mik, § 21-mik, § 22-mik kiisalu § 24-mik unioqutitsinermi akiliisitsinermik pineqaatissiissutitsisoqarsinnaavoq kiisalu sunngiffimmi aallaaniarsinnaanermut allagartaqarsinnaanermut imaluunniit inuussutissarsiutigalugu piniarnermut allagartaqarsinnaanermut piffissami killilikkami pisinnaaffiiartitsisoqarsinnaalluni.

Imm. 2. Nalunaarummi aalajangersakkat unioqutinneqartillugit tuttunik pisanit isertitat Kalaallit Nunaanni pinerluttulerinermi inatsimmi aalajangersakkat malillugit arsaarinnissutaasinnaapput.

Imm. 3. Kommunitut ileqqoreqqusaliani, § 29 takuuk, kommunalbestyrelsip aalajangersarsinnaavaa, unioqutitsineq Kalaallit Nunaanni pinerluttulerinermi inatsimmi malittarisassatigut aalajangersakkat malillugit akiliisitsinermik arsaarinnissummillu kinguneqarsinnaasoq.

Imm. 4. Pinerluttulerinermi inatsimmi tillitanik pissarsineq pillugu aalajangersakkat tuttunik unioqutitsinikkut pisanik tunisinermi imaluunniit tunitsivimmut tunisinermi atuupput.

Kapitali 17

Atulersitsinermut atorunnaarsitsinermullu aalajangersakkat

§ 37. Nalunaarut manna atuutilerpoq ulloq 1. augusti 2024.

Imm. 2. Peqatigitillugu tuttut nujuartat illersugaanerat piniagaaneralu pillugit Namminersorlutik Oqartussat nalunaarutaat 27. juuni 2013-imeersoq atorunnaarsinneqarpoq.

Kalaallit Nunaanni Namminersorlutik Oqartussat, ulloq xx. xxx 2024.

Kim Kielsen

Aalisarnermut Piniarnermullu Naalakkersuisoq

/Emanuel Rosing